

Igalelo

Official newsletter of the KwaZulu-Natal Department of Transport



January 2005 edition

Abaholi boMnyango bazibambela mathupha emgwaqeni

Abashayeli bezimoto bathole ukumangala kwaba ncane indawo ngenkathi uNgqongqoshe wezokuThutha esifudazweni uBheki Cele neNhloko yoMnyango wakhe uKwazi Mbanjwa betheleka

kungazelele muntu kwizimvimbamzila ngala maholide. Lo mkhankaso wabo ugale eMgungundlovu kanti ubandakanya amaphoyisa omgwaqo, iSAPS namaphoyisa omiasi-pala.

"Sizibophezele kakhulu ekusindisene izimpilo zabantu," kusho uNgqongqoshe kwenye yeziqimbamzila ebeziqala ebusuku kuze ekuseni.

Kuvele inqwaba yabantu abanamacala elukene okubalwa ukubamba inkunzi kuhloniyiwe, izimoto ezintshontshiwe, izibhamu ezingekho emthethweni, kanti abanye babosh-we

khona lapho ngenxa yokushayela bephuzile.

Omunye wabashayeli uboshelwe icala lokuntshontsha lango-1997. Abanye abashayeli abibili bazame ukubaleka ngenkathi kutholakala ukuthi baphuzilekodwa amaphoyisa abuye ababamba.

UNDosi usaqhubeka nokunxusa abantu ukuba bahloniphe umthetho ngokuphelele uma beshayela noma behamba ngezinyawo emgwaqweni.

"Izimvimbamzila ezinjenja kumele ziqhubeku unyaka wonke, ngoba zigqugquzelu abashayeli ukuba bazihloniphe futhi bahale beqikelela ukuphepha kwabo," kusho omuye wabashayeli.

Izibalo ezikhishwe iRTI Information Centre
01/12/2004 kuya
16/01/2005

Izingozi

211

Abashonile

243

Abashayeli abashonile

49

Abagibeli abashonile

75

Abahamba ngezinyawo abashonile
119



Lapho uCele noMbanjwa bahola umshini imofatouch eveza ukuthi umuntu ufunelwa maphi amacala obugebengu. Omunye ophethe umshini ilungu leSAPS.



UNgqongqoshe uBheki Cele neNhloko yoMnyango uKwazi Mbanjwa basebenzisa umshini wokuhola iminingwane yabashayeli

Kuyaqhube ka ukuqoqa abagcaluza kufreeway

UNgqongqoshe wezokuThutha kaZwelone uJeff Radebe ehambisana nowesifundazwe uBheki Cele neNhloko yoMnyango uKwazi Mbanjwa bahambele indawo yaseGroutville lapho amaphoyisa omgwaqo elhaselwe ngamalungu omphakathi eqhuba umsebenzi.

Amaphoyisa omgwaqo athole izikhalo zokuthi amalungu omphakathi endaweni aphazamisa ukuhamba kwezimoto ngokudaysela emgwaqeni. Atha uma efika ezolungisa lesi simo ahlangana nezimbla zithutha, umphakathi wabashaya wabal-imaza.

Enye indoda ibaleke nozankosi ngenkathi kubhuduziswana phakathi kwala maphoyisa nomphakathi. UNgqongqoshe uRadebe uthathe wathi: "Syaninxusa ukuba nisebenzise izindlwana enakhelwe zona ukuba nidayisele kuzo. Kungukwephula umthetho ukudaysela emgwaqeni, miningi imiphefumulo esilahlekile emigwaqeni."

OkaRadebe, wase eggugquzelu amaphoyisa omgwaqo neSAPS ukuba baqhubeke nomsebenzi wabo wokubophwa abahamba ngezinyawo emgwaqeni ngoba lokho akhambisani nemithetho yomgwaqo.

"Zonke izakhamizi zaseNingizimu Afrika zipholekile ukuthi zigcine umthetho ngaphandle kokubheka ukuthi umuntu ungubani. Abahamba ngezinyawo ibona abalimala kakhalu emgwaqeni kanti kungumthwalo wethu njengababhekele ukugcinwa komthetho ukucinisekisa ukuthi wonke umuntu uphophile emgwaqeni," kusho uRadebe.

Khona manjalo, uNgqongqoshe uBheki Cele uxwayise umphakathi ukuthi uhloniiphe imithetho yomgwaqo futhi usebenzise namabhulohlo akhelwe

abahamba ngezinyawo.

"Ingingi lalez i ndawo abantu abawela ngokungemthetho linawo amabhulohlo. Kokunye abantu bakhala ngokuthi kumele bahambe ibanga elide uma beya ebhulohweni, kodwa mina ngibona kungecongo ukuhamba lawo mamitha ambalwa kunokudala izingozi noma ukufa emgwaqeni," kusho uCele.

Ukufa kwabantu kwehlide kulesi fundazwe kanti babalelwana ku-119 abantu abahamba ngezinyawo abashone ezingozini zomgwaqo ngalesi khathi senjabulo. Ngesikhathi abaphathi behambela lezi ndawo ezinabantu, kubanjwe inqwaba yabantu abebehamba kufreeway nababe sebeyiswa eziteshini zamaphoyisa eziseduze.

"Abantu abangu-119 abashonile isibalo esikhulu lesi, 'i-Operation Siyabaqoqa' isazoqhube ka unyaka wonke ukuze abantu bangaweli lapho kungafanele khona. UMnyango usube nemikhankaso eminingi yokuwashisa ukuze abantu bafunde ngezokuphepha emgwaqweni. Kungakho-kesizoqinisa isandla kubo bonke labo abaphula umthetho," kugcizelela uMbanjwa.



UNgqongqoshe wezokuThutha kuzwelone uJeff Radebe, owesifundazwe uBheki Cele neNhloko yoMnyango uKwazi Mbanjwa bakhulumu nabantu abahamba ngezinyawo emgwaqeni ababanjwe bewela ufreeway.



Abadayisi basemgwaqeni abadayisa ngokungekho emthetheweni kulandela ukwakhelwa kwabo izindawo zokudaysela imikhiqizo yabo.



UMnyango usalokhu uyisibonelo ezweni

NGU: CHRIS HLABISA

Isiqubulo esiwumbo woMnyango "Impumelelo ngezokuThutha" (Prosperity through Mobility) sifushane futhi sicacile, kodwa siqukethe umyalezo osabale kakhulu.

Okokuqala nje, mayelana nomsebenzi wethu sisho okufanayo nombono wezisebenzi zomphakathi, okungukwenza impilo engcono kuzo zonke izakhamizi zaseNingizimu Afrika ngezokuthutha.

Lo mbono ubonakala kahle uma sekwenziwa imisebenzi ebalulekile njengokuphepha izimpilo zabantu, ukuthuthukisa imiphakathi, ingqalasizinda nomnotho, okuyinto eqinisekisa ukuphatha ngendlela efanele.

Ekuphumeleliseni umsebenzi wethu osemqoka, sibuye silwe nobuphofu siqinisekise nokuthi intuthuko iyafinyelela nasezindaweni zasemakhaya.

Yingakho nje umsebenzi wethu ubandakanya nokusatshaliswa kwemigwaqo ephephile kuzo zonke izindawo ngokulingana, kanye nabezokuphepha emgaqwensi, abezokukhishwa kwamalayisensi abashayeli bezimoto (Traffic Law Administration), ukulawulwa kwentilasipoti yomphakathi nokuphatha ngendlela efanele.

Ngo-1997, kwahlongozwa ukuba kwakhiwe uhlolo oluzolandelwa ekuletheni izinguquko kubasebenzi bakahulumeni okubandakanya nemigomo yeBatho Pele.

Abasebenzi babe sebefundiswa ngenqubo nemigomo yeBatho Pele, kwabe sekwakhiwa namasu okwenza lokhu kuqhubekele phambili.

Besizotomulela nemiklomelo esezenegeni eliphezulu esifundazweni - iPremier' Gold Award neSilver Award. Khona kunjalo, kube sekucaca ukuthi ngenkathi sijabulela le miklomelo yokwenza kahle, ezokuthutha bezingakafiki ezingeni.

Bekungakabi nezinguquko ngisho nasekuhlekeni kwabasebenzi ngokwamakhono. Bekusantuleka izindlela zokuxhumana nasebemkantshubomyu kulo mesebenzi. Ngaleylo ndlela bebungekho ubufakazi obuveza ukuphumelela noma ukwehluleka ekuletheni izidindo.

UmQondisi oMkhulu wophiko olubhekele ukwakhiwa ngqo kwemigwaqo (Implementation) (kwesokunxele) uchaza okuthile koNgqongqoshe bezokuThutha kuzwelone nasesifundazweni uJeff Radebe (ophakathi) noBheki Cele.

Lena inkulomo efingqiwe eyethulwe uMqondisi oMkhulu wophiko olubhekele ukwakhiwa ngqo kwemigwaqo (Implementation) KwaZulu-Natal, nayethule ePitoli emhlanganweni wakamuva weBatho Pele Learning Network. UHlabisa ungowokuqala omnyama ukuba usekela mongameli weSouth African Road Federation (SARF)

Njengoba umlando waziwa, abasebenzi bebengakasiwayeli isimo lapho wonke umuntu ebamba iqhaza, bengakaze banikwe nezinsiza, amakhono namandla okuhlangabezana nemigomo yeBatho Pele. Bebengakwazi ukubamba iqhaza ekuthathweni kwezinqumo. Kudingke sitole indlela yokusiza

abasebenzi bethu ukuba bakhuthazeke emsebenzini futhi bahambisane nemithetho nemigomo ebekiwe.

Besazi ukuthi siyaphi kodwa singazi ukuthi zizofika kanjani lapho. Besidinga uhlelo lokuletha izinguquko oluhlanganisa wonke umuntu. Lapha bekudingeka ukuzibophezelwa kwabasebenzi nokuphuculwa kobuholi ukuze umphakathi uthole izidindo ngokusezingeni lomhlaba.

Besilokhu saziwa ngobuvila, ukuphutha emsebenzini, ukungazibophezelwa nokunganaki, nokuba ngemuva kwabanye njalo. Besidinga ukuthola indlela yokuguqula izinhliziyo nemiqondo abasebenzi bethu.

Siyizisebenzi zomphakathi hhayi nje abasebenzi bakahulumeni - isikhondlakhondla uma kukhulunywa ngokulethwa kwezidindo zomphakathi kanti futhi siyisibuko sikahulumeni. Sidinga ukushintsha, hhayi kusasa, hhayi namhlanje kodwa manje!

Bahlonywa uphaphe Iwegwalagwala aboMnyango

nelikazwelone ngenxa yokuzibophezelwa kwabo ekusebenzeleni ukugquqla izimpilo zabantu.

UMqondisi wamaphoyisa omgwaqo uJohn Schnell usanda kuhlonywa uphaphe ekhanda ngokukhethelwa isikhundla sokuba isekela likaMongameli we-Institute for Traffic and Municipal Police Officers of South Africa.

Lesi khundla usigixabewze emhlanganweni wonyaka obusePort Elizabeth, ngemuva kokubonakala kweqhaza alibambile kwezokuphepha emgwaqwensi nasekubhekeleni ukugcinwa komthetho.

"Ngizizwa ngihlonipheke kakhulu ngokuthi ozakwethu bakhombise ukubaluleka kweqhaza lami, ngizohlale ngikugcinile njenqegugu lokhu," kusho uSchnell.

Owkamanje kunamaSekela oMongameli abahlana kuleli zwe ngaphansi kwalesi sakhiwo abaziwa ngokuthi iHonorary Vice President.

Ngakolunye uhlangothi, isifunda saseThekwini naso sizihiomulele ngomklomelo wokusebenza kahle iGood Governance Award

ebesiymukelisa uNdunankulu muva nje.

Indlela abasebenza ngayo ibandakanya ukucela umphakathi ukuba uphawule ngendlela ophatheke ngayo. Babe sebesebenzisa leyo mibono ukuzakwa kabusha.

OnguKhomanda walesi Funda uShadrack Nxumalo utho bebengeke bawuzuze lo mklomelo ukube bekungekonu ukuzinikela nokubambisana phakathi kwabasebenzi.

"Manje sesibhekene nenselelo yokusebenzela indondo yegolide," kusho uNxumalo.

Okunye okuhombise ukusebenza koMnyango ngempumelelo, kube ngukuhlomula kophiko Iwegwalagwala iCommunication Support ngenkathi lungena kowamanqamu kubangwa ukudla umhlanganiso emahhovisi ezokuxhumana eminyangweni kahulumeni ehlukene.

Lo mncintiswano owaqalwa nguNgqongqoshe ehovisi likaMongameli, wemukelisa ngemiklomelo umQondisi obamble wezokuXhumana eMnyangweni wezokuThutha uLogan Maistry.



UDkt Essop Pahad ongungqongqoshe ehovisi likaMongameli, wemukelisa ngemiklomelo umQondisi obamble wezokuXhumana eMnyangweni wezokuThutha uLogan Maistry.

kuhulumeni.

Womabili amaphephanda oMnyango iGalelo neZethu News, akhethwe phakathi kwangu-30 eminye iminyango, kanti alale isibili ezweni lonke.

UmQondisi obamble weCommunication Support uLogan Maistry uyena owemukele lo mklomelo egameni loMnyango emcimbini obuseGalla Estate, uhlelwwe uPahad.



Ngenha: UNdunakulu waKwaZulu-Natal uBusiso Ndebele uxhawulana noKhomanda wamaphoyisa omgwaqo esifundeni saseThekwini uShadrack Nxumalo emcimbini wokuklomelisa abasebenze kahle iGood Governance Award obuse-ICC eThekwini muva nje.

Esincane: UmQondisi weRoad Traffic Inspectorate uJohn Schnell

Iningi labasebenzi balo Mnyango nabaqondisi bakhona sebethole ukuhlonishwa okukhulu ezingezi lesifundazwe

Ngakolunye uhlangothi, isifunda saseThekwini naso sizihiomulele ngomklomelo wokusebenza kahle iGood Governance Award



Injabulo iphenduke umunyu kuphela umndeni engozini

Obekulindeleke ukuthi kuba injabulo ngamaholide kaKhisimusi kuphethe ngenkulu indumalo ngenkathi amalungu angu-9 omndeni waKwaMtakati, kuhlanganisa nezihlobo beshona enhlekeleleni yengozi ebandakanya imoto yabo neloli.

Le ngozi eyenzeke eFree State ishiye izidumbu okungesika Mike Mtakati (43) owayeyintatheli, unkosikazi wakhe uRita (42), izingane ezimbili - uThozama (14), uLuvuyo (10), nezihlobo ezinhlanu uNokukhanya (21), uYolanda (8 months), uNonkululeko (15), uNokubonga (7) noSinikiwe Vilakazi (12), zishe zangqongqa.

Ukushona kwala malungu omndeni kuba ischlakalo esishaqisayo esifundazweni saKwaZulu-Natal naseMnyangweni wezokuThutha nazo zonke izinhla zokugcina komthetho njengoba bekunenqwaba yezimvimbamzila ebezhloose ukwehlisa lezi zehlakalo. Ngokwezibalo

ezisemthethweni, izinga lokufa kwabantu emigwagweni yaKwaZulu-Natal lehle ngamaphesenti angu-30 uma kuqhathaniswa nonyaka ka-2003. Bangaphezulu kuka-20 500 abashayeli abashushisiwe kulandela ukuhamba ngesivinini eseqile, bangu-381 abebeshayela bedakiwe, kwathi u-1 050 kwaba abahamba ngezimoto ezingekho esimweni.

Ekhuluma enkonzweni yomngcwabo ebise Kings Park, iNhloko yoMnyango uKwazi Mbanjwa uthe: "Ngiyaphinda nginxusa abashayeli ukuba bazibophezele ekuphephiseni izimpilo zabantu - ukubulala abantu emgwaqeni akusamele kuthathwe njengokubulala ungahlosile kodwa kumele kuthathwe njengokubulala."

Ephawula ngokulahlekelwa uzakwabo, okhulumela i-Anglo Platinum uthe: "Asilahlekelwanga nje uzakwethu kodwa silahlekelwe ngumngani wangempela - uMike uzohlale ekhumbuleka njalo."

Igalelo



Inhloko yoMnyango uKwazi Mbanjwa udlulisa umyalezo wenduduzo emndenini nabangani abebesenkonzweni yomngcwabo.



Umsebenzi wasemakhazeni uphethe ibhokisi likaYolanda Cele onezinyanga ezingu-8.



UMike Mtakati useyobekwa endlini yakhe yokugcina

REPORT BAD DRIVING

Call **MPIMPA** Hotline

086 221 1010

Your voice can save lives!



UNgqongqoshe
wezokuThutha,
ezokuPhepha
nokuXhumana
noMphakathi uBheki
Cele neNhloko
yoMnyango uKwazi
Mbanjwa nabanye
abaneqhaza
eMnyangweni
bathathwe emicimbini
eyahlukene
yoMnyango ngo-2004



Ukuvikela
ababuthaka
kakhulukazi
abesifazane
nezingane
yisona siqubulo
soMnyango.
Yingakho nje
uMnyango ube
nezhinlelo
eziningi ngo-
2004 lapho
uqinisekisa
ukuthi izingane
ziyavikeleka
ziphephe.

Umbiko kaNgqongqoshe wezokuThutha, ezokuPhepha nokuXhumana noMphakathi KwaZulu-Natal uBheki Cele mayelana nokusebenza kwalesi fundazwe kwezokuphepha emgwaqeni ngesikhathi senjabulo esiphuma kusona.

Ngokukazwelone nangokwesifundazwe, kube nokwehla kwezinga lokufa kwabantu emigwaqeni ngala maholide esiphuma kuwona, uma kuqhathaniswa nonyaka ka-2003.

Lokhu kungumphumela wemikhankaso eminingi, kubandakanya ukutshalwa kwamaphoyisa kuzo zonke izindawo, i-Operation Juggernaut, ukwenza njengokulawula komthetho (100% compliance), uholelo lokufundisa ngezokuphepha i-Omela eKhaya neminye.

KwaZulu-Natal, phakathi kukaDecember 1 noJanuary 16, izibalo zimi kanje:

	2003	2004	%Umehluko
Izingozi	240	211	12%
Abashonile	293	243	17%
Abashayeli abashonile	49	49	Akushintshile
Abagibeli abashonile	95	75	21%
Abahamba ngezinyawo	149	119	20%
Abashonile emigwaqeni kazwelone, eyesifundazwe neyezfunda	138	133	3%
Abashonile emigwaqeni yomasipala	175	109	37%

Izibalo zezapulamthetho ezibanjiwe

Kuze kube manje bangaphezulu kuka-381 abashayeli aseboshelwe ukushayela bedakiwe, kanti ngo-2003 babengu-120. Abashayeli abangu-1 140 baboshelwe ukushayela ngesivinini eseqile, kwathi abangu-11 baboshelwe ukushayela budegedu. Abashayeli baboshelwe amacala ehlukene angaphezulu kuka-36 000, izimoto ezingu-1 050 zakhiswa emgwaqeni ngoba zingekho esimweni sokuhamba emgwaqeni. Amaphoyisa omgwaqo asebenze amahora angu-120 000, ahamba ehlola isimo ibanga elingu-795 911 km. Lokhu kuholele ekutheni iKwaZulu-Natal yehlise ngo-17% ukufa kwabantu emgwaqeni ngo-12% izingozi zomgwaqo ngalesi khathi senjabulo uma kuqhathaniswa nonyaka ka-2003. Impumelelo yethu njengoMnyango wezokuThutha KwaZulu-Natal incike ekuzibopheleni nasekuzinikeleni okukhonjiswa ngamaphoyisa ethu nabanye ababambe iqhaza. Nokho-ke, ngifisa ukukugcizelela ukuthi phela ukufa komuntu oyedwa ukufa kwabaningi.

Izimvimbamzila

Zimbili izimvimbamzila ezinkulu ezenziwe eMgungundlovu naseThekwini ngomhlaka-10 no-11 kuDecember 2004, lapho bekuhlangene zonke izinhlekla zethu zokugcinwa komthetho nokwaholela ekuboshweni kwabashayeli abangu-201 abebedakiwe ngezinsuku ezimbili.

Lokhu kuthumele umyalezo oqondile kubashayeli wokuthi asidlali lapha, ngeke sikubekezelele ukushayela uphuzile KwaZulu-Natal. Angaphezulu kuka-600 amaphoyisa abebambe iqhaza kwimvimbamzila ngayinye.

Amaphoyisa engezei

UKusatshalaliswa kwamaphoyisa amasha angu-82 aphothule izifundo ngomhlaka-15 December 2004, ngemuva kwezinyanya eziyisithupha zokuqeleshwa kanzima, kubo nomthelela omkhulu ekukhuthazeni ukusebenza kwamaphoyisa nokuthi sikuwazi ukufika lapho besiphokophele khona nokuqinisa ezokugcinwa komthetho emgwaqeni.

Amarizevu eSAPS

Kugalwe uholelo olusha eMgungudlovu lapho amaphoyisa eSAPS angamarizevu esabalaliswa ndawonye namaphoyisa eRTI bahambe beqapha isimo. Lokhu kusikhulisile isibalo samathimba ahambe ehlola kwenza lula nokutholakala kwamaphoyisa ngesikhathi esifanele. Lolu hlelo lusazosabalaliswa nakwezinye izindawo njengoba kuza isikhathi sePhasika.

Card Verification Device (CVD)

Lena ingqayizivele yomshini osuthuthukise kakhulu indlela amaphoyisa aqoqa ngayo imininingwane yomuntu. Emyne yale mishini inikezwe uphiko olubhekene nezingozi kwiSAPS esifundazweni.

Ngalo mshini amaphoyisa ayakwazi ukuhlola iCCF Driving License, iLicense Disc, iTransport Permit, iVIN Number, iChassis Number, inombolo ye-ID nesithombe nemininingwane yomshayeli.

Abahamba ngezinyawo

Bangaphezulu kuka-420 abantu abahamba ngezinyawo ababoshelwe ukuhamba kufreeway. Kulokhu, kuyabonakala ukuthi kusenezinkinga kwezinye izindawo. Kusadinga ukuthi kwensiwe izinhlelo zokufundisa. Okunye futhi, kumele kwakhwiye izinto ezivimba abahamba ngezinyawo emgwaqeni emikhulu njengakuN2 eProspecton naseSJ Smith Hostel.

Izinkantolo zasemgwae

Bekunezinkantolo ezine ebezisebenza kuN3 eCato Ridge naseBergville nakuN2 eMdloti nasePark Rynie. Kusukela ngoDecember 1, 2004, bangaphezulu kuka-980 abashayeli abavele phambi kweziMantshi kulezi zinkantolo. Ezinye izinkantolo ziyaqhubeke kuze kuge umhlaka-31 January 2005.

Izigameko zamaloli

Mukhulu kabi umonakalo emnothweni odalwa ukuvalwa kwemigwaqo uma kuchitheke impahla, kanti nokuphazamiseka okubakhona kwabahambayo kuhathaza kakhulu.

Esinye salezi zigameko senzeke kuN3 phakathi kweBergville nomfula uThukela, lapho iloli ebelithwele liwile amakesi kabhiya angu-22 emgwaqeni, kwholela ekuvalweni nomgwaqo cishe amahora ayisithupha ngesikhathi kusahlanzwa umgwaqo.

Ukudayisa ku-freeway

Umtetho uthathe indawo yawo eMvoti Toll Plaza ngenkathi kuboshwa abadayisi bezithelo abangu-36 babekwa amacala okuba ku-freeway nokudayisela endleleni yeziyoto.

Izinhlawulo

Kusukela kuJanuary 1 nonyaka, izinhlawulo zamacala asemgwae ngezinyawo KwaZulu-Natal sezikhuphukile, kanti lokhu sekwemukelwe nayiziMantshi ezinkulu.

Impumelelo kuR617 Boston/Bulwer

Umgwaqo uR617 awukaze uba nezingozi kusukela ngoDecember 1, 2004, ngenxa yokunkanisa kwePTEU (uShanel) kulo mzila. Phele amabhasi namatekisi athutha abantu kakhulukazi abasuka emsebenzini eGauteng nakwezinye izifundazwe asebenzisa lo mzila.

Inhlawulo yejubane esanda kukhishwa

UMnuz Anthony Mckleary waseMgungundlovu uboshwe ngemuva kokubanjwa ehamba ngo-220km/h ngesithuthu kuN2 e-Ellingham. Khona lapho futhi ubengenazo izincwadi zokushayela isithuthuthu.

Uvele enkantolo kamantsi wahlawulisa uR20 000 noma izinyanya eziyisithupha ejele kodwa ezilengiselwe iminyaka emihlanu. Ube eseyalelwu ukuba akholke uR8 000 ngokushesha ozokuya esikhwameni sabahlukunyeze zikhukhula zolwandle iTsunami Disaster Fund.

Isiphetho

Sengiphethe, bakwethu ngicela ukubuza umbuso. Ngabe yonke into empilweni yakho ihamba kahle? Noma kukhona obungafisa ukukhaintsha ukube ubunethuba? Uma impendulo ithi 'yebo', unakho konke okudingayo ukuba uba isishoshovu sezokuphepha emgwaqeni. Asisakaze lo myalezo wokuphepha emgwaqweni sinciphise izingozi. Hlanganyela nathi emshikashikeni wokuphepha izimpilo zabantu.

Mangiphethe ngokunifisela unyaka ka-2005 onokuphepha.

Umgwaqo omusha ulethe uguquko emphakathini waseMbulelweni



Innocent Miya (kwesokunxele) usodolobha kamasisipala wase Ingwe, uNgqongqoshe uBheki Cele (phakathi) kanye nosodolobha wase Sisonke uPatrick Khoza kuvulwa ngokusemthethweni umgwaqo eMbulelweni.

U nyaka ubonakala uthembi kakhulu emphakathini waseMbulelweni ngaphansi kukaMasipala wesifunda iSisonke ngaseDonnybrook, kulandela ukuvulwa ngokusemthethweni komgwaqo osuwakhe amathuba emisebenzi kubantu bendawo abangasebenzi.

IsiFunda iSisonke ngokubambisana noNgqongqoshe wezokuThutha, ezokuPhepha nokuXhumana noMphakathi uBheki Cele bethule umgwaqo ongu-3.2 km. Lo mgwaqo wakhiwe ngezinyanga ezine ngesamba esibalela ku-R794 000.

Lolu hlelo ludale amathuba emisebenzi eyikhulu emphakathini wendawo - abesifazane abangu-61 nabesilisa abangu-39.

Ekhulumu emcimbini wokuvulwa ngokusemthethweni kwalo mgwaqo, uCele uthe: "UNDundankulu walesifunda uSibusiso Ndebele usinike umyalelo wokuthi sakhe yonke imigwaqo engenel ezikoleni, emitholampilo, nasezindaweni zokusebenza ezolimo. Ngakohke ngyajabula ukuthi sigcina lo mayalelo."

UMasipala wesifunda iSisonke noMnyango wezokuThutha sebevumelene ngokuthi lo mgwaqo ufakwe ngaphansi kohlelo loMnyango lokugcinwa kwemigwaqo isesimweni okuyiZibambele noseluthole ukuhlonishwa ezweni lonke njengohlelo oluyimpumelelo ekulweni nobuphofu.

Ephawula ngokubaluleka komgwaqo, oyisakhamuzi uSibanisezwe Mahlaba ubeke kanje: "Ngijabula kakhulu ngalezi zinhlelo zentuthuko esilethelwa zona, ikakhulu umgwaqo - umfana wami usezokwazi ukufika ngesikhathi nasesikoleni."

UNgqongqoshe uMagaye uphinde wathi: "Lolu hlelo lungobunye ubufakazi bokuzibophezelu kukahulumeni wetu ekuletheni ithemba kuleyo miphakathi edinga kakhulu,"

Ithulelwu isigqoko imboni yamatekisi ngokwehla kwezingozi



UNgqongqoshe uBheki Cele neNhloko yoMnyango uKwazi Mbanjwa esithangamini sabezindaba.

U kakhulu ngokomqondo nokuzibophezelu ekuhlonipheni imithetho yomgwaqo kubonakale kugqame kakhulu kulesi fundazwe, ikakhulukazi embonini yamatekisi njengoba ikhombise ukuzimisela ngokuba intilasipoti yomphakathi ephephile ngamaholide kaDecember noJanuary nonyaka.

Le mboni yamatekisi osekuthe kule minyaka yokubusa kwentando yeningi yaba ngesondelene nesebenzisana nezinhlekla zikhulumeni zokugcinwa kwemithetho yomgwaqo ekuqinisekiseni ezokuphepha emgwaqeni yaKwaZulu-Natal, ithole ukunconya okukhulu nguNgqongqoshe wezokuThutha, ezokuPhepha nokuXhumana noMphakathi uBheki Cele, iNhloko yoMnyango uKwazi Mbanjwa noMqondisi weRoad Traffic Inspectorate uJohn Schnell.

Ekhulumu esithangami sabezindaba, uMbanjwa uthe izinhlekla zokugcinwa komthetho okuyiRTI, amaphoyisa omasipala neSAPS

benze konke okusemandleni ukuqinisekisa ukuthi izinga lezingozi liyancipha esifundazweni.

"Kuningi okwenzwi - njengabakhuzi bebutho, siphume sasabalala siqinisekisa ukuthi bonke abasebenzisa umgwaqo bayawugcina umthetho," kusho uMbanjwa.

Ukugxeke kakhulu ukwanda kwabashayeli bezimoto okubandakanya nabezinto ezithutha umphakathi abashayela bengenazo izincwadi zokushayela.

"Kuko konke rije, nginokuzighenza ngendlela iKwaZulu-Natal eyenze ngayo - manje sesibheke kwimpelasonto yePhasika," kuphetha uMbanjwa.

UMnyango uzogxila ekwakheni imigwaqo eya kubantu

Ukuqinisekisa ukuthi yonke imiphakathi kakhulukazi emakhaya ithola zonke izidingo ezilethwa nguhulumeni, uMnyango wezokuThutha KwaZulu-Natal nonyaka unqume ukugxila kakhulu ekwakhiweni kwemigwaqo engenela ezakhiweni zemiphakathi.

Le migwaqo izokwenza kube lula, phakathi kokunye, ukuhamba ezinganeni zesikole ezingakwazi ukuya ezikoleni uma kunezimvula noma abangenazo izikole ngenxa yokwentuleka kwengqalasizinda endaweni.

UNgqongqoshe uBheki Cele uze wabeka isibonelo esiveza ukubaluleka kwalokhu, wathi ngisho nangaphambi kohetho nyakenye, i-IEC yanxusa uMnyango wakhe ukuba wakhe imigwaqo engenela kwezinye izikole ebezizosetshenziswa njengezikhungo zokuvota.

Khona manjalo, njengoba kuqala unyaka, abantu baseQhuden eNquthu sebeqalile ukuhlomula ngalokhu.

Ezinyangeni ezimbili

ezedlule, uhulumeni ngezigaba zavo ezintathu - kuzwelone, esifundazweni nakumasipala - uhambele lo mphakathi obunganakiwe phambili kodwa onothe ngamagugu. Lapha uhulumeni ubelethe isamba sikaR8 mln sokufaka itiyela emgwaqeni uD1566 ongu-9 km.

Lo msebenzi waqalwa umasipala wendawo ngokufaka isicelo semali, uhulumeni wabe usukhipha imali ngoMnyango wezokuThutha kuZwelone kanti owesifundazwe wona ubhekene nokuqinisekisa ukuthi umsebenzi wenzeka ngokuyikho.

UMqondisi oMkhulu wophiko olubhekene nokwakhiwa kwemigwaqo (Implementation) uChris Hlabisa uthi vele sebesebenza ngokubambisana nomasipala njengowaseThekwini nje. Uthi lolu hlelo lushayelwa kakhu ihlombe amakhasimende abo okungumphakathi.

Izinkulungwane zabantu ezitheleke emcimbini wokuhlatshwa kwestoyi

kanti phakathi kwezicukuthwane ebezihambele, bekukhona uNgqongqoshe wesifundazwe uBheki Cele nokawzelone uJeff Radebe.

Abaholi bendawo bawubonge kakhulu uhulumeni ngegalelo lawo ekuthuthukiseni abantu, bathi ukwakhiwa komgwaqo osezingeni elihle kuzobasiza ekuphumeleiseni amasu abo okwakha izikole, isikhungo esinamahhovisi ahlukene kahulumeni namabhizinisi, kubuye kuthuthukiswe nezolimo.

Baveze ukuthi kunocwaningo oselukhombise ukuthi le ndawo inamatuba amahle emboni yewayini. Isimo sezulu lapha siyefana nesaseCape Town. Sekutholakele ukuthi eminyakeni eminingi edlule, kwakutshalwa amagrebhisi lapha kanti okuhlaba umxhwele ukuthi avuthwa emasontweni amathathu ngaphambi kwawaseCape.



UNgqongqoshe wezokuThutha kuzwelone uphendula isoyi emgwaqeni ozolungiswa eNquthu

Umphakathi wase Nquthu uthi...



**Qhutshiwe
Cebekhulu**




**Qapheleni
Nxumalo**



**Tshidi
Motoung**



**Hleziphi
Zulu**




**Mpho
Sikhosana**



**Nomayini
Mazibuko**



Lulu hlelo lukaZibambele esilulethelwe uMnyango wezokuThutha selungisize kakhulu njengoba sengikwazi ukufundisa izingane zami, ngondle nomndeni kanti okukhulu ukuthi sengikwazi nokonga imali.



Nqubiso Ntshangase ukuthi abashayeli nomphakathi jikelele uzibophezele kwezokuphepha emgwaqweni.



Imina ophethe ikhaya nobhekeke ukuba ondle umndeni, kodwa manje sengiyakwazi ukuyisa ibhodwe eziko nobekuyinkinga enkulu phambilini.

UCele uzikhulumela nabantu ezitaladini zeTheku



UNgqongqoshe uBheki Cele uxoxisana namalungu omphakathi ezitalidini zeTheku, ebafundisa nangezindlela zokuphepha emgwaqeni nasebugebengwini.

Akujwayekile ukuthi uNgqongqoshe abonakale ezulazula ezitaladini zedolobha kakhuluma nabantu ezwe nemibono yabo ngokuphepha kwabo ebugebengwini nasezingozini zomgwaqo.

UNGqongqoshe wezokuThutha, ezokuPhepha nokuXhumana noMphakathi KwaZulu-Natal uBheki Cele, ubonakale ehola umkhankaso wokuziwela amaquiniso ezitaladini zeTheku uku athole imizwa yomphakathi nosomabhizinisi mayelana nezinga lobugebengu ngesikhathi samaholide.

UCele uthe uyakuaphela ukuthi abantu banokugcuseka ngokuphakama kwezinga lokuzibophezelu kwamaphoyisa ngokubavikela ebugebengwini.

Uthe: "Abantu esikhulume nabo bathe balinde ukuba namaholide angcono ngemuva

kxesikhathi eside - babonga ukuvuselela kogozo lokusebenza emaphoyiseni. Kodwa inklinga esalokhu ibonakala iqhubeka ngeyokukhuthuza kwabantu."

"Kuyasijabulisa ukuthi kunemibhidlango eminingi ebandalanya nezinkampani zonogada ezizimele ezisebenzisana kahle neSAPS ukuvikela amalungu omphakathi ngalamaholide," kwengeza uCele.

Uthe: "Nakuba uhambo lwethu namhlanje belugxile edolobheni leTheku kubandakanya uWest Street naseBeach Front, sikhathazeke ngokufanayo ngokuphepha kwabantu ezindaweni abahlala kuzona."

Wengeze ngokudalula ukuthi kusenezinhlelo zokuqinisa ukutshalwa kwamaphoyisa, wathi ubugebengu njengamanje buya ngokwehla.

Cyril Knoesen ongusigaxamabhande emaphoyiseni omgwaqo uoxa noNgqongqoshe uBheki Cele ngemuva kokuphuthulwa kwabebethwasela ubuphoyisa emcimbini obuseYMCA eMgungundlovu muva nje.

Noma kanjani, ikolishi lokuqeqesha amaphoyisa omgwaqo kumele liziqhenye ngokuthi abafundi abangu-82 kwabangu-96 abebenza izifundo zeTraffic Officers Diploma baphumelele, kwathi abangu-8 babo baphumelela ngamalengiso kuzo zonke izifundo. "Izifundo zeTraffic Officers Diploma akuyona into elula. Kulabo abangaphumelelanga, ngifisa ukubagqquqzela ukuba bangadikibali kodwa baphinde bazame futhi," kusho uBheki Cele onguNgqongqoshe

wezokuThutha kulesi fundazwe ophinde wagcizelela ukuthi makukhushulwe isibalo sabesifazane abathatha lo mkhakha njengoba bekungu-15% kuphela lapha.

Lezi zifundo ezithatha izinyanga eziyisithupha zihlukaniswa ngezigaba ezaahlukene. "Ngithanda ukunihalalisa nonke nginamukele njengoba senizosisiza ekuphephiseni izimpilo zabantu, nokufeza isiyumelwano nabantu sokwenza iKwaZulu-Natal ibe ngephephile," kuphetha uCele.

Ezenkolo zihlanganele ukuthandazelukuphepha nokuthula emigwaqeni



Kusuka kwesokunxele ngenKwazi Mbaniyo oyINhloko yoINyango, uNgqongqoshe uBheki Cele, umculi weGospel uDebra Fraser nomQondisi wezokuphepha emgwaqeni uThoko Mabaso boekhela amakhandlela emkhulekweni wezokuphepha emgwaqeni.

ubike uma unokungagculiseki ngabashayeli emgwaqeni.

"Ngibona ibandla njengenkundla engcono yokululisa umyalezo wezokuphepha emgwaqeni - singakholwa koNkulunkulu abehlukene kodwa udaba lokuphepha lusithinta sonke ngokufanayo," kusho uNgqongqoshe.

Lo mkhakaso wezokuphepha emgwaqeni wesekele nayiMetro Rail ekhiphe izitimela ziqhama ka ezindaweni ezaahlukene KwaZulu-Natal zithutha abantu abaya emkhulekwemi.

Khona manjalo, ukweseka lo mkhakaso wezokuphepha, inkampani yokudla iPremier Foods inikele ngezijumbana zokudla ezinikezwu iminden esele dengwane ngenxa yokushona kwezihlobo ezingozini zomgwaqo.

Ukhozi FM's Transport Ibandla Tuesdays 8pm - 9pm

P4's Straight talk Thursdays 6.30pm - 7pm

How to contact us

Letters to the Editor as well as general comments can be submitted to:

Igalelo Editor, KZN Transport Department, Private Bag X9043, Pietermaritzburg, 3200.

Tel: 033 - 355 8600

Fax: 033 - 355 8632

Igalelo is produced by the KZN Transport Department's Communication Directorate in the Office of the Ministry of Transport, Community Safety and Liaison.


www.kzntransport.gov.za

Bangaphezelu kwezinkulungwane eziyisithupha abantu abaqhamuka emabandleni ezenkolo abahambele ukhukhulelangoqo wenkonzo yokuhulekela ukuphepha emgwaqeni ebiseMpangeni.

Ezinyangeni ezimbalwa ezedlule uNgqongqoshe wezokuThutha, ezokuPhepha nokuXhumana noMphakathi uBheki Cele umeme bonke abezenkolo ukuba bathandazole ukuphepha emgwaqeni KwaZulu-Natal. Yize le mikhuleko ibiyenziwa ngokwezfunda, okuyiTheku,

uMgungundlovu, uMnambithi neMpangeni, lesi saseMpangeni isona esikhethwe ukuba sisingathe owesifundazwe sonke kulandela ukwanda kwezingozi kule ndawo ezinyangeni ezimbalwa ngaphambili kwamaholide kaKhisimus.

Ekhuluma nezinkumbi zabantu, uCele unxuse abashayeli ukuba bazibophezelu ekugcineni imithetho yomgwaqo. Uthe kumele abantu baphuzele emakhaya, kanti nomphakathi kumele ungakkohlwu ukusebenzisa inombolo yamahhala



Zonke izinkolo zakuleli zizibophezelu kwezokuphepha emgwaqeni njengoba le ndoda ibonakala ithandazelukuphepha emgwaqeni.